



Sarajevo, 24.11.2022
Broj: 02-32247-1/22

Na osnovu člana 70., 71. i 88. Zakona o javnim nabavkama Bosne i Hercegovine ("Službeni glasnik BiH" broj: 39/14), člana 95. Statuta Javnog preduzeća Elektroprivreda Bosne i Hercegovine d.d. - Sarajevo, (prečišćeni tekst), broj: NO-2190/21-41./2. od 25.01.2021. godine i Statuta o dopuni Statuta Javnog preduzeća Elektroprivreda Bosne i Hercegovine d.d. - Sarajevo broj:SD-20745/21-70./6. od 30.07.2021. godine, člana 25., 73. i 74. Pravilnika o nabavkama Javnog preduzeća Elektroprivreda Bosne i Hercegovine d.d.-Sarajevo broj: NO-5155/15-52/5.1. od 26.02.2015. godine, Pravilnika o dopuni Pravilnika o nabavkama Javnog preduzeća Elektroprivreda Bosne i Hercegovine d.d.-Sarajevo broj: NO-16376/17- 54./4. od 30.05.2017. godine i Pravilnika o izmjeni Pravilnika o nabavkama Javnog preduzeća Elektroprivreda Bosne i Hercegovine d.d.-Sarajevo broj: NO-11539/20-20.V/1. od 29.04.2020. godine, člana 4., stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – prečišćen tekst- broj 06-26053-1/22 od 27.09.2022. godine, na preporuku Komisije za javne nabavke, donosim:

ODLUKU
o izboru najpovoljnijeg ponuđača za nabavku molersko-farbarskog materijala
za potrebe Podružnice «Hidroelektrane na Neretvi» Jablanica

Član 1.

Najpovoljniji ponuđač za nabavku molersko-farbarskog materijala za potrebe Podružnice «Hidroelektrane na Neretvi» Jablanica, izabran na osnovu provedenog Konkurentskog zahtjeva za dostavu ponuda broj 10203-126/22 pokrenutog po Obavještenju o nabavci broj 1409-7-1-122-3-91/22 objavljenog na „Portal javnih nabavki“ dana 14.10.2022. godine je:

»Inter-Com« d.o.o. – Zenica sa cijenom od 11.800,00 KM bez PDV-a

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku nabavke, te Odluku objavi na internetskoj stranici JP Elektroprivreda BiH d.d. – Sarajevo (www.elektroprivreda.ba) i time ih obavijesti o rezultatima okončanog postupka javne nabavke u skladu sa članom 70. Stav (6) Zakona o javnim nabavkama Bosne i Hercegovine.

Član 3.

Obavezuje se ponuđač iz člana 1. ove Odluke da u roku od 3 (tri) dana od datuma zaprimanja ove Odluke dostavi original ili ovjerene kopije dokumenata iz člana 45. stav (2) tačke od a) do d) Zakona o javnim nabavkama BiH koji su zahtijevani tenderskom dokumentacijom.

Član 4.

Ova odluka stupa na snagu danom donošenja.

Obrazloženje:

Javno preduzeće Elektroprivreda BiH d.d. - Sarajevo, Podružnica »Hidroelektrane na Neretvi« Jablanica (u daljem tekstu Ugovorni organ), Odlukom broj 02-37-2-4053-1/2022 od 14.10.2022. godine pokrenula je postupak nabavke molersko-farbarskog materijala za potrebe Podružnice »Hidroelektrane na Neretvi« Jablanica putem Konkurentskog zahtjeva za dostavu ponuda broj 10203-126/22. Istom Odlukom Ugovorni organ je imenovao i Komisiju za provođenje postupka javne nabavke (u daljem tekstu Komisija). Obavještenje o nabavci predmetnih roba broj 1409-7-1-122-3-91/22 je objavljeno na „Portal javnih nabavki“ dana 14.10.2022. godine. Procijenjena vrijednost predmetne nabavke iznosi 12.000,00 KM bez PDV-a. Izvještajem o preuzimanju tenderske dokumentacije od strane ponuđača je konstatovano da je 9 (devet) privrednih subjekata preuzelo tendersku dokumentaciju sa Portala javnih nabavki. Otvaranje ponuda održano je 27.10.2022. godine u 13:00 sati, u prostorijama Ugovornog organa u Jablanici. Zapisnikom o otvaranju ponuda broj: 10203-126/22 Komisija je konstatovala da su do isteka roka za dostavu ponuda, svoje ponude dostavili sljedeći ponuđači, i to:

1. Elborg d.o.o. – Tuzla	sa cijenom od	12.000,00 KM	bez PDV-a
2. Inter-Com d.o.o. – Zenica	sa cijenom od	11.946,75 KM	bez PDV-a
3. Elvod d.o.o. – Mostar	sa cijenom od	12.552,69 KM	bez PDV-a
(Popust 5% - Cijena nakon umanjenog popusta)		11.925,05 KM	bez PDV-a

Zapisnik sa otvaranja ponuda broj 10203-126/22 od 27.10.2022. godine je dostavljen ponuđačima u skladu sa Zakonom o javnim nabavkama BiH („Službeni glasnik BiH“, broj 39/14).

Nakon otvaranja ponuda, Komisija je u svom daljnjem radu, na zatvorenom sastanku pristupila detaljnoj analizi dostavljenih ponuda sa ciljem utvrđivanja prihvatljivosti prema obliku, sadržaju i potpunosti dokumentacije, zatim kvalifikacije ponuđača, te ocjeni tehničke prihvatljivosti ponuda, te je konstatovala da ponuda ponuđača Elborg d.o.o. – Tuzla nije tehnički prihvatljiva. Naime, tenderskom dokumentacijom je na stranici 12. pod tačkom 4.7. Način određivanja cijene ponude Ugovorni organ zahtijevao između ostalog da se domaći ponuđači o cijeni ponude (ukupnu i jediničnu cijenu) izjasne na paritetu DDP Podružnica „Hidroelektrane na Neretvi“ Jablanica – Incoterms 2020, a strani ponuđači su obavezni svoje ponude iskazati na paritetu DAP pod uslovom da strani ponuđači radi poređenja cijena svedu svoju ponudu na DDP, ponavljamo isključivo radi poređenja ponuda. Ocjena ponuda će se vršiti na paritetu DDP krajnja destinacija. Također, Ugovorni organ je u tenderskoj dokumentaciji u okviru Aneksa 2 (Obrazac za ponudu i Izjava) i Aneksa 3 (Obrazac za cijenu ponude) na stranicama 24., 25., 27. i 28. između ostalog od ponuđača zahtijevao da se isti izjasne o mjestu i paritetu isporuke predmetne robe. Ponuđač Elborg d.o.o. – Tuzla se u svojoj ponudi u okviru Aneksa 2 (Obrazac za ponudu i Izjava) izjasnio o cijeni ponude na paritetu DAP, a u Aneksu 3 (Obrazac za cijenu ponude) na „Mjesto i paritet isporuke robe“ je naveo Hid. Jablanica Podružnice „Hidroelektrane na Neretvi“ Jablanica ne navodeći paritet. Obzirom da se ponuđač Elborg d.o.o. – Tuzla nije izjasnio da svoju ponudu dostavlja na paritetu DDP kako je zahtijevano tenderskom dokumentacijom, njegova ponuda je ocjenjena kao tehnički neprihvatljiva.

Analizom i ocjenom ponuda prema obliku, sadržaju i potpunosti dokumentacije, zatim kvalifikovanosti ponuđača, te ocjene tehničke prihvatljivosti, Komisija je utvrdila da ponude ponuđača Inter-Com d.o.o. – Zenica i Elvod d.o.o. – Mostar, ispunjavaju sve zahtjeve tražene tenderskom dokumentacijom, to jeste ocjenjene su kao prihvatljive, te će u skladu sa Pravilnikom o uslovima i načinu korištenja e-aukcije (Službeni glasnik BiH, broj 66/16) učestvovati u daljoj fazi postupka javne nabavke, to jeste e-aukciji.

Početna rang lista ponuđača koji su pozvani da učestvuju u e-aukciji (kriterij najniža cijena) je sljedeća:

Redni broj	Naziv ponuđača	Početna cijena u KM bez PDV-a	Rang
1.	Elvod d.o.o. – Mostar	11.925,05 KM	1
2.	Inter-Com d.o.o. – Zenica	11.946,75 KM	2

Ugovorni organ je nakon unošenja svih prihvatljivih ponuda u sistem e-Nabavke izvršio zakazivanje, to jeste odredio početak i dužinu trajanja e-aukcije, i to za 09.11.2022. godine sa početkom u 10:15 sati sa dužinom trajanja od 10 minuta. E-aukcija je uspješno okončana u 10:25 sati, te je formirana nova konačna rang lista ponuđača. Konačna rang lista ponuđača nakon provedene e-aukcije prema kriteriju za vrednovanje ponuda »**najniža cijena**« počev od najuspješnije ka najmanje uspješnoj je sljedeća:

Redni broj	Naziv ponuđača	Konačna cijena u KM bez PDV-a	Rang
1.	Inter-Com d.o.o. – Zenica	11.800,00 KM	1
2.	Elvod d.o.o. – Mostar	11.925,05 KM	2

Komisija za javnu nabavku imenovana Odlukom Direktora Podružnice »Hidroelektrane na Neretvi« Jablanica broj: 02-37-2-4053-1/2022 od 14.10.2022. godine, utvrdila je da je najpovoljnija ponuda za nabavku molersko-farbarskog materijala za potrebe Podružnice »Hidroelektrane na Neretvi« Jablanica, izabrana nakon provedenog Konkurentskog zahtjeva za dostavu ponuda prema kriteriju »**najniža cijena**« ponuda ponuđača Inter-Com d.o.o. – Zenica **sa cijenom od 11.800,00 KM bez PDV-a**, te da ista u ekonomskom i tehničkom smislu u potpunosti zadovoljava zahtjeve ugovornog organa.

Na osnovu navedenog odlučeno je kao u dispozitivu Odluke.

Pravna pouka:

Svaki ponuđač koji smatra da je Ugovorni organ u toku konkretnog postupka kod izbora najpovoljnijeg ponuđača prekršio jednu ili više odredbi Zakona o javnoj nabavci i/ili podzakonskih akata ili Pravilnika ima pravo uložiti žalbu na postupak u pisanoj formi u roku od 5 (pet) dana od dana kada je njegov podnosilac primio Odluku o izboru najpovoljnijeg ponuđača. Žalba se podnosi ugovornom organu JP „Elektroprivreda BiH“ d.d.- Sarajevo, Podružnica „Hidroelektrane na Neretvi“ Jablanica u 3 (tri) originalna primjerka.

Izvršni direktor za proizvodnju

mr. sci. Samir Selimović

Dostaviti:

- Ponuđačima
- Službi za komercijalne poslove Podružnice „Hidroelektrane na Neretvi“ Jablanica